


佛祖正傳

C40
4514
(128)



C40-4814



B 64853

佛祖正傳古今捷錄序

佛祖正傳機語事蹟見於兩土之文者凡數十家按
 西天諸祖出自梁之僧祐祖述支疆是以支那正派
 傳燈諸錄得以沿襲備載存乎大藏周徧寰宇歷二
 千六百餘季家傳戶誦使吾輩得覩先賢面目若揭
 日月於中天恩則溥矣奈何宏博浩渺曷能博綜約
 究况諸家著述皆祖傳燈然傳燈止於宋之密庵厥
 傑而已其下元明迄今十七八傳尚未聞其名號况
 氏族朝代之出處
 歲典以天童老人曹溪
 貴朝代僧臘謚賜法

流兼得

嗣目曰古今正傳捷錄俾未至者汭流而尋源既入者統本以運末不用搜求便入法王寶藏一覽而美具足吾佛所謂觀彼久遠猶如今日不啻一會儼然祇貴流通正眼集者意在斯焉若吾佛應世七十九季示涅槃相當周代穆王壬申之歲後一千一十七季傳二十世至闇夜多卽此土漢孝明永平丁卯教被華夏至一千四百七十七季傳二十八世卽梁武普通元季庚子歲迺達磨至金陵之際已上事蹟方册頗多人所共曉斯不重出聊備來哲博覽云
大清康熙五季歲在丙午上元後學雪兆性識并頌

佛祖正傳古今捷錄

附 拈頌

西蜀比丘果性集

初祖菩提達磨大師姓刹帝利南印土香至王季子也得法於二十七祖般若多羅祖囑曰俟吾滅後六十季當往震旦國闡化問曰彼有法器堪繼吾宗千載之下有留難否祖預爲識偈迨尊者順世師乃演化本國六宗歸正時至東行王具大舟實以衆寶躬率臣僚送至海濱凡三周達於南海時梁普通元季庚子九月刺史蕭昂表上有詔迎見王問如何是聖諦第一義師曰廓然無聖王曰對朕者誰師曰不識

王未契遂渡江至魏止嵩山少林寺面壁而坐越九季欲返西天乃命門人盍言所得有道副道育尼總持各呈見解最後慧可禮拜依位而立祖曰汝得吾髓乃以從上囑累授之曰吾來此土見赤縣神州有大乘氣象今既得汝吾意已終言畢端居而逝起塔熊耳山定林寺時梁武大通二季後三歲遇宋雲於蔥嶺之事頌

廓然無聖對梁王話不投機
潛渡江雖使神光輪
一臂令人千古嘆行藏

二祖慧可大師武牢姬氏子少博群書極精玄理及

覽佛經超然有悟依龍門得度具戒季四十定中見神告曰將登聖果須臾頭痛如刺欲行求醫神復告曰此換骨耳非常痛也因此告師師視其頂有五峯隆起喻曰神既助汝可行求道吾聞天竺達磨近至少林宜往依之遂詣叅承祖常端坐面壁莫聞誨勵師自惟昔人求道敲骨取髓刺血濟饑布髮掩泥投崖餉虎古尚若此我又何人侍立遲明積雪過膝祖曰諸佛無上妙道曠劫精勤難行能行非忍而忍豈以小德小智輕心慢心欲冀真乘徒勞勤苦師聞誨勵斷臂祖前祖曰汝今斷臂吾前求亦可也宜名慧

可師曰我心未寧乞師安心祖曰將心來與汝安師曰覓心了不可得祖曰吾與汝安心竟於是得法至北齊天平二季得燦付法自往鄴都行化三十四載因辯和法師謗於邑宰翟仲侃加師以法祖知前業怡然委順示寂於大隋開皇十三季三月十六日壽一百有七塋磁州東北頌

談玄說妙語喃喃一見胡僧便絕言斷臂峯頭云得髓腥風從此落人間

三祖僧燦大師以白衣謁二祖曰弟子身纏風恙請師懺罪祖曰將罪來與汝懺士良父曰覓罪了不可

得祖曰吾與汝懺罪竟宜依佛法僧住曰今見師已知是僧未審何名佛法祖曰是心是佛是心是佛法佛無二僧寶亦然士曰始知罪性不在內外中間祖然之卽爲剃髮曰是吾寶也宜名僧燦乃付衣法曰汝受吾教宜處深山未可行化當有國難般若多羅懸記所謂心中雖吉外頭凶者是也吾有宿累今往酬之諦思聖記勿催世難後值周武廢教往來太湖司空山深自韜晦積十餘載人無知者至隋開皇十二季遇沙彌道信付法後歷羅浮諸山舊止士民相率皈依爲四衆說法於大樹之下儼然合掌立逝時

隋煬帝大業二年丙寅十月五日有信心銘行於世
身纏風恙罪何辜一見醫王業海枯罪性既無心
亦泯大家相對嘴盧都

四祖道信大師姓司馬居河內父徙蘄州師幼慕空
宗諸解脫門宛如宿習請於三祖曰願和尚慈悲乞
與解脫法門祖曰誰縛汝曰無人縛祖曰何更求脫
乎信於言下大悟服勞九載攝心無寐既嗣祖風脇
不至席者六十季隋大業十三載領徒抵吉州值羣
盜圍城七旬不解萬衆惶怖祖憫之教誦摩訶般若
賊衆望雉堞間若有神兵乃相謂曰城中必有異人

遂卽引去一日往黃梅值童子付以衣法時唐高祖
武德中往破頭山訪懶融而隱學徒奔奏唐太宗響
祖道德三詔不赴帝怒敕取首來使至師引頸就刃
神色不變使還奏太宗彌加嘆慕示寂於唐高宗永
徽二年辛亥閏九月四日壽七十二塔於東山頌

費盡殷勤算海沙無繩自縛眼迷麻偶然針介相
投處撥轉機綸便到家

五祖黃梅弘忍大師蘄州周氏子也先爲破頭山栽
松道者常請法於四祖祖曰汝今已老脫或有聞其
能廣化倘若再來吾可遲汝乃去行水邊見一女子

浣衣揖以寄宿女首肯之卽回策而去女歸輒孕父母惡而逐之旣無所歸乃傭紡於衆館之下已而生子以爲不祥拋棄港中明日泝流而上氣體鮮明見者驚異舉以成童嘗有異僧嘆曰此子闕七種相不逮如來一日於黃梅道中值四祖問曰汝何姓曰姓卽有不是常姓祖曰是何姓曰是佛性祖曰汝無姓耶曰姓空故無祖默識其爲法器卽俾侍者至其母所乞令出家母以宿緣殊無難色乃從其請於是得法化道黃梅咸亨中傳法盧能示寂於高宗上元二季乙亥壽七十有四謚曰大滿嗣法一十三人頌

氏族俱忘姓亦空了無依倚應環中破頭山上千株樹晝夜風嘯萬竅通

六祖慧能大師姓盧氏先是范陽人父行瑫母李氏遷於南海之新州感異夢娠六季乃生三歲喪父其母守制掬養及長家貧師樵採以給一日負薪於市聞客誦經有省直造黃梅祖問何來曰嶺南來祖曰欲須何事曰惟求作佛祖曰嶺南人無佛性若爲堪作佛曰人卽有南北佛性豈然祖曰者獺獠根性太利着槽廠去乃入碓坊服勞八月祖知付授時至乃令門人各書一偈若語意冥符則付衣法會下七百

撰述
餘僧悉尊神秀書偈於壁師隨和之祖一日潛至確坊見師腰石舂米問曰米熟也未師曰米熟已久猶欠篩耳祖以杖三擊其確師卽以三鼓入室祖以從上源流囑之曰昔達磨初至人未之信故傳衣表信今信心已熟衣乃爭端止汝勿傳師跪受訖問曰向甚處去祖曰逢懷則止遇會卽藏是夜遁去隱於懷集四會之間儀鳳元季屆於曹溪以風幡之機觸發印宗於是大闡東山法門中宗屢詔不赴示寂於先天二季癸丑八月二日壽七十有六塔曹溪謚曰大鑑嗣法四十二人頌

道箇無物是本來渾身難看出黃梅囊錐穎脫風
幡外一滴曹溪五葉開

第一世南嶽懷讓禪師高宗儀鳳三季佛誕日生感異瑞應於玄象太史奏聞帝敕親慰其家十五得度受具同坦然謁安國師安令詣曹溪見六祖祖問甚處來曰嵩山來祖曰甚麼物恁麼來師無語遂經八載忽然有省乃白祖曰某甲有箇會處祖曰作麼生師曰說似一物卽不中祖曰還可修證否師曰修證卽不無染汚卽不得祖曰祇此不汚染諸佛之所護念汝旣如是吾亦如是西天般若多羅識汝足下出

一馬駒踏殺天下人民不宜速說佛法師得法後侍
祖復十五季先天二季往衡嶽居般若寺開元中得
沙門道一付法示寂於唐玄宗天寶三季八月十一
日謚曰大慧嗣法九人頌

甚麼物也恁麼來天運違和花不開寒到一回徹
骨處春風拖綠上莓苔

第二世馬祖道一禪師四川漢州什邡縣馬氏子容
貌奇偉牛行虎視引舌過鼻足有二輪出家於本邑
羅漢寺受具戒已開元中習定衡嶽讓師知是法器
問曰坐禪圖作甚麼曰圖作佛讓乃取一磚於庵前

石上磨師曰磨作甚麼讓曰磨作鏡師曰磨磚豈得
成鏡讓曰磨磚既不成鏡坐禪豈得作佛師曰如何
卽是讓曰如牛駕車車若不行打車卽是打牛卽是
師無對讓示偈曰心地合諸種遇澤悉皆萌三昧華
無相何壞復何成師蒙開示心意豁然出任江西入
室弟子一百三十九人每見學者壯無所依老無所
歸乃立叢林以統之唐德宗貞元四季二月一日示
寂世壽八十謚曰大寂嗣法一百三十九人頌

踏殺生靈天馬駒磨磚非鏡已知渠了然契悟花
無相識應西軋十萬餘

第三世百丈懷海禪師福州長樂王氏子幼該三學長依大寂侍立次見一羣野鴨飛過祖曰是甚麼師曰野鴨子祖曰甚處去師曰飛過去也祖遂扭師鼻頭負痛失聲祖曰又道飛過去也師於言下有省次日祖陞堂衆纔集師出卷却席祖便下座師隨至方丈祖曰我適來未曾說法汝爲甚便卷却席師曰昨日被和尚搗得鼻痛祖曰汝昨日向甚處留心師曰今日鼻頭又不痛也祖曰汝深明昨日事也出住洪州百丈因學者羣居不法乃制清規以導之凡作務執勞必先於衆主事請息師曰吾無德不合勞衆有

一日不作一日不食之語流布叢林唐憲宗元和九年正月七日示寂嗣法一十五人謚曰大智頌

一羣野鴨拍天飛驀鼻拽回馬簸箕卷席歸寮呈醜態由來堪笑亦堪悲

第四世黃檗希運禪師閩人額間隆起志意冲淡叅馬祖值祖遷化時百丈廬於塔傍乃請問馬祖平日得力句丈舉再叅因緣曰老僧昔被馬犬師一喝直得三日耳聾師聞舉不覺吐舌丈曰子已後莫承嗣馬祖去麼師曰不然今日因師舉得見馬祖大機之用然且不識馬祖若承馬祖已後喪我兒孫丈曰如

是如是見與師齊戒師半德見過於師方堪傳授子甚有超師之見一日丈問甚處來曰大雄山下採菌來丈曰還見大蟲麼師作虎聲丈拈斧作斫勢師打丈一搥丈吟吟而笑遂歸上堂曰大雄山下有一大蟲汝等諸人也須好看百丈老人今日親遭一口出住洪州黃檗山嗣法三十三人示寂於唐宣宗大中季間謚曰斷濟頌

武侯忠義振家邦沒世猶驚司馬降竭盡丹衷扶社稷英雄千古姓名揚

第五世臨濟義玄禪師曹州南華邢氏子幼負出塵

之志落髮受具便叅黃檗行業純一時睦州爲首座勉令問黃檗如何是佛法的的大意檗便打如是三問三度被打遂辭檗叅大愚愚問甚處來曰黃檗愚曰黃檗有何言句師舉前話復云不知某甲有過無過愚曰黃檗恁麼老實爲汝徹困猶覓過在師於言下大悟云元來黃檗佛法無多子愚擲住曰這屎床鬼子適來道有過無過如今又道佛法無多子汝見箇甚麼道理速道速道師於愚肋下築三拳愚拓開曰汝師黃檗非干我是師回黃檗舉前話檗曰大愚老漢饒舌待來痛與一頓師曰說甚待來卽今便打

隨後便掌檠曰這風顛漢來這裏將虎鬚師便喝檠曰侍者引這風顛漢叅堂去後任鎮州臨濟學侶雲集乃有三玄三要賓主料揀以驗學者晚居大名府興化寺嗣法二十四人示寂於唐懿宗咸通八年丁亥四月謚曰慧照頌

潦倒蒲鞋用不臧唆人喫棒意何良高安痛處重加艾帶累兒孫遭禍殃

第六世興化存獎禪師初爲臨濟侍者後在三聖會中爲首座嘗曰我向南方行脚一遭拄杖頭不曾撥着個會佛法底人聖聞得問曰汝具個甚麼眼便恁

麼道師便喝聖曰須是汝始得後到大覺爲院主一日覺曰聞汝道向南方行脚一遭拄杖頭不曾撥着個會佛法底人汝憑個甚麼道理與麼道師便喝覺便打師又喝覺又打明日師從法堂過覺召院主我直下疑你昨日這兩喝師復喝覺又打師再喝覺又打師曰某於三聖師兄處學得個賓主句總被師兄拆倒了也願與某個安樂法門覺曰者瞎漢來者裏納敗闕脫下衲衣痛打一頓忽於言下薦得臨濟先師於黃檗處喫棒的道理出住興化開堂日拈香云此炷香本爲三聖師兄三聖於我太孤本爲大覺師

拂子曰還記得話頭麼試舉看彼擬開口師又一拂子牧主曰信之佛法與王法一般師曰見何道理曰當斷不斷返招其亂師便下座後因汝州太師宋侯捨宅爲寺請師住持至周廣順元季復至風穴師生於唐昭宗乾寧三季丙辰十二月示寂於宋太祖開寶六季癸酉中秋日登座說偈而終塔於寺前溪之西畔嗣法四人頌

棒下無生忍臨機不見師踏翻滄海月放出鏡牛機躍過禹門三汲浪却嗟蛙步驥沙泥

第九世襄縣首山省念禪師萊州狄氏子徧遊叢席

密誦法華晚依風穴克知客侍立次穴乃垂涕告之曰不幸臨濟之道至吾將墜於地矣師曰觀此一衆豈無人耶穴曰聰明者多見性者少師曰如某者何如穴曰吾雖望子从之恐汝耽着此經不能放下師曰此亦可事願聞其要穴遂陞堂舉世尊以青蓮目顧視大衆且道說個甚麼若道不說而說又是埋没先聖且道說個甚麼師乃拂袖下去穴擲拄杖歸方丈侍僧問念法華何不抵對和尚穴曰念法華會也次日與真園頭同上問訊穴曰作麼生是世尊不說說真曰鶻鳩樹頭鳴師曰動容揚古路不墮悄然機

穴謂真曰作許多痴福作麼何不看念法華下語後
住首山大振臨濟之道宋太宗淳化三季壬辰十二
月四日登座曰今季六十七老病隨緣且遣日今季
記却來季事來季記着今朝日至期安坐而逝茶毘
收舍利建塔本山嗣法一十七人頌

放下法華詣上堂青蓮目瞬絕承當歸來高踞首
山寺明月清風滿大唐

第十世汾陽善昭禪師太原俞氏子少有大志叅尊
宿七十餘人後謁首山問百丈卷席意旨如何山曰
龍袖拂開全體現曰師意如何山曰象王行處絕狐

踪於是言下大悟拜起曰萬古碧潭空界月再三撈
搥始應知有問者曰見何道理便爾自肯曰正是我
放身命處服勞甚久前後八請主持名利堅卧不就
淳化四季首山入寂同門契聰領西河道俗千餘人
排闥入而讓曰佛法大事靜退小節風穴懼應識夏
宗旨墜滅幸而有先師先師棄世汝有力荷擔如來
大法者今何時而欲安眠哉師矍起握聰手曰非公
不聞此語乃出主汾州太子院作十智同真以辨縑
素後龍德府李侯與師有舊請任承天數至不起使
者受罰後至曰不然有死而已師令設饌俶裝告眾

曰老僧去也誰人隨得時數僧不契侍者出曰某甲隨得但和尚到處卽到師曰汝乃隨得老僧復顧使者曰吾先行矣停箸而化侍者亦立化于側閱世七十有八坐五十六夏嗣法一十六人時宋仁宗天聖元季甲子歲收舍利起塔本寺頌

龍袖拂開顯大機月輪撈撈淨無遺三玄戈甲清寰宇殺活分明不露絲

第十一世石霜楚圓慈明禪師全州清湘李氏子二十二出家母有賢行使之遊方於大愚谷泉結伴叅汾陽經二季未許入室每見必詬罵一日訴曰自至

法席不蒙指示念歲月飄忽已事未明負失出家之利語未卒汾叱曰是惡知識敢裨販我舉杖逐之師擬伸救汾掩其口師乃大悟曰是知臨濟道出嘗情服役七季辭去出任潭州石霜師平生以事事無礙接人凡聖莫測室中宴坐橫刀水盆之上傍置草鞋使學者下語以卜契機得法者七十八人示寂於宋仁宗慶曆元季辛巳上元日塔於石霜頌

歲月飄零取自由片幡風送到楊州室中拈起吹毛利寃報寃兮仇報仇

第十二世楊岐方會禪師袁州宜春冷氏子少警敏

不事筆硯及出家閱經典輒自神會叅慈明總院事
每恣叅明曰庫司事繁且去他日又問明曰監院異
時兒孫遍天下在何用忙爲一日明出師偵之小徑
搗住曰者老漢今日須與我說不說打你去明日監
寺知是般事便休語未卒師大悟卽拜於泥塗明日
上堂師出問幽鳥語喃喃辭雲入亂風時如何明曰
我行荒草裏汝又入深村師曰官不容針更借一問
明便喝師曰好喝明又喝師亦喝明連喝兩喝師禮
拜明曰此事是個人方能擔荷師拂袖便行後住楊
岐嘗以金剛圈栗棘蓬之語勘辨諸方宋仁宗皇祐

元季丙戌示寂塔於本山嗣法一十四人頌

院事匆匆不憚勞蹇驢三脚弄蹄高倒騎直上須
彌頂大地山河在一毫

第十三世白雲守端禪師衡陽葛氏子幼事翰墨冠
依茶陵郁披削往叅楊岐岐曰受業師爲誰曰茶陵
郁和尚岐曰聞伊過橋遭擲有省作偈甚奇能記否
師誦偈岐咲而趨起師愕然通夕不寐黎明咨詢之
岐曰汝見昨日打歐儺者麼曰見岐曰汝一籌不及
渠師復駭然曰意旨如何岐曰渠愛人咲汝怕人咲
師大悟於言下巾侍久之辭遊廬阜圓通訥禪師舉

任承天聲名籍甚次徙法華龍門興化海會所至衆如雲集示寂於宋神宗熙寧五年丙戌壽四十八塔於舒州白雲嗣法一十二人頌

竊得耆婆醫道神滿腔都是活人心真方假藥須靈驗到底難謾個裏人

第十四世蘄州五祖法演禪師綿州鄧氏子季三十五始祝髮受具初謁浮山使叩白雲乃問南泉摩尼珠話雲叱之師領悟呈偈曰山前一片閒田地叉手叮嚀問祖翁幾度買來還自賣爲隣松竹引清風雲乃印可令掌磨事一日雲曰有數禪客自廬山來皆

有悟入處教伊說亦說得有來由舉因緣問伊亦明得教伊下語亦下得祇是未在師遂疑私自計曰旣悟了明得說得如何却未在叅究累日忽然省悟從前寶惜一時放下走見白雲雲爲手舞足蹈師後曰吾因茲出一身白汗便明得下載清風宋徽宗崇寧三季示寂嗣法二十三人頌

等閒識得摩尼珠捏碎光明始自如端的一回白汗後釋迦彌勒是他奴

第十五世昭覺克勤禪師彭州洛氏子兒時日記千言偶遊妙寂寺見佛書三復悵然如獲舊物曰子殆

過去沙門也出家業講棄依白雲爲侍者一日部使
詰祖問道祖曰提刑少季曾讀小艷詩否有兩句頗
相近頻呼小玉元無事只要檀郎認得聲部使應諾
啗祖曰且仔細師侍立次問曰提刑會否祖曰他祇
認得聲師曰祇要檀郎認得聲旣認得聲爲甚却不
是祖曰如何是祖師西來意庭前栢樹子聾師忽有
省遽出見雞飛上欄竿鼓翅而鳴乃曰此豈不是聲
遂呈偈曰金鴨香銷錦繡幃笙歌叢裏醉扶歸少季
一段風流事祇許佳人獨自知祖遍告山中耆宿曰
我侍者叅得禪也出任成都昭覺奉旨數處開法屢

加寵賜宋高宗紹興五年八月己酉書偈投筆而逝
茶毘舍利五色塔於本寺謚曰真覺嗣法七十六人
頻呼小玉意無他試問檀郎會也麼認得聲來猶
未是雞鳴絕妙識曹娥

第十六世虎丘紹隆禪師和州含山人九歲出家旣
長遊方初謁長蘆後見佛果一日入室果問曰見見
之時見非是見見猶離見見不能及舉拳云還見麼
師曰見悟曰頭上安頭師聞脫然契證果叱曰見個
甚麼師曰竹密不妨流水過果肯之有問曰隆藏主
柔意若此何能爲哉悟曰瞌睡虎耳後郡守李公光

延居彰教次徙平江虎丘道大顯著宋高宗紹興六季丙辰五月六日示寂塔全身於寺西南嗣法一人見非是見足機籌竹密何曾礙水流春去秋來寒暑別不須頭上更安頭

第十七世應庵曇華禪師蘄州江氏子生而奇傑出家徧歷諸方次見虎丘侍一載頓明大事出至明州天童虎丘忌日拈香云平生沒興撞着個無意智老和尚做盡伎倆湊泊不得從此卸却干戈隨分着衣喫飯二十季來坐曲朶牀懸羊頭賣狗肉知他有甚憑據雖然如是一季一度燒香日千古令人恨轉深

時大慧在梅楊有僧傳語至慧極口稱嘆復寄偈曰坐斷金輪第一峯千妖百怪盡潛踪季來又得真消息報道楊岐正脉通當時與大慧同稱二井露門嘗誠徒曰衲僧家着草鞋住院何啻如虬蛇戀窟乎宋孝宗隆興元季六月十三日示寂塔於本山天童嗣法九人頌

草鞋踏破覓知音歷盡山河路轉深莫謂貧兒思舊債懸羊賣狗得人憎

第十八世密庵咸傑禪師福州鄭氏子母夢老僧入舍而生幼則穎異過人及壯剃髮進具徧叅知識最

後謁應庵華於衢州明果一日問曰如何是正法眼
荅曰破沙盆應庵領之因辭省親庵以偈送曰大徹
投機句當陽廓頂門相從今四載徵詰洞無痕雖未
付鉢袋氣宇吞乾坤却把正法眼喚作破沙盆此行
將省覲切忌便躲跟吾有未後句歸來要汝遵後出
住衢州開法次迂祥符蔣山華藏未幾奉詔任徑山
及靈隱嗣法拾人頌

嶽邊頓止千山勢海上冥收萬派聲惟道如來正
法眼祖師喚作破沙盆

第十九世破庵祖先禪師廣安王氏子叅密庵於靈

隱分座有道者請益曰胡孫子捉不住願垂開示師
曰用捉作麼如風吹水自成紋上堂云不是心不是
佛不是物恐俊不禁爲諸人作個撇脫拈拄杖卓一
下云流水暗消溪畔石勸人除却是非難嗣法四人
那伽大定海涵秋上樹胡孫得自由四海五湖平
似鏡行人莫與路爲仇

第二十世無準師範禪師蜀之梓童雍氏子九歲依
陰平道欽出家首謁佛炤炤問何處人曰劍州炤曰
帶得劍來麼師隨聲便喝炤曰者烏頭子也亂作後
叅破庵於靈隱居第一座一日侍庵遊石筍有道者

請益胡孫話師在傍忽大悟後受詔任徑山賜號曰佛鑑禪師宋理宗淳祐己酉三月十五日示寂其徒請偈師執筆云來時空索索去也赤條條更要問端的天台有石橋塔於圓炤庵嗣法一十七人頌

帶得劍州寶劍來當陽一喝絕塵埃晚風笛弄關山曲巴峽猿聞聲自哀

第二十一世雪巖祖欽禪師初叅天目理後於無準會下多季每遇入室舉主人公便可蹕跳若衲僧巴鼻佛祖爪牙更無下口處如是十季後過浙東天目依住一日佛殿前行忽然擡眸見一株古樹觸着向

來所得境界和底一時揚下礙膺之物撲然而散方始得見徑山老人立地處正好三十拄杖後出世住潭州龍興晚任袁州仰山住持凡六刹無準忌日拈香云盡道先師今日死誰知今日是生朝不知却有何憑據紫栢黃檀一遽燒嗣法八人頌

衲僧巴鼻忽擡眸觸着庭前樹一株要見徑山立地處烏藤三十嘴盧都

第二十二世高峯原妙禪師吳江徐氏子母夢僧投宿而孕生於宋理宗戊戌歲出家首謁斷橋倫次叅雪巖纔問訊被打出後凡入門巖便問誰與汝拖者

死屍來隨卽打出如是不知其幾一日少林忌辰隨衆詣三塔諷經次忽擡頭覩五祖和尚真讚曰百季三萬六千朝反覆元來是者漢忽然打破疑情一日巖問日間浩浩時作得主麼曰作得主巖曰睡夢中作得主麼曰作得主巖曰正睡着時無夢無想無見無聞主在甚麼處師無對遂奮志入龍鬚自誓曰拚一生作個歎漢決要者一着子明白越五載因同叅僧推枕子墜地作聲廓然大徹自謂如泗州見大聖遠客還故鄉元來只是舊時人不改舊時行履處自此安邦定國天下太平一念無爲十方坐斷出任雙

髻天目示寂於大元成宗元真元季乙未十二月初一日嗣法四人頌

阿誰拖者死屍來夢想俱無更活埋薦爾枕頭撲落地堪嗟雪嶺嘆奇哉

第二十三世中峯明本禪師杭之錢塘人俗姓孫母李氏夢無門開道者持燈籠至家遂生師九歲喪母十五依高峯薙落季二十四觀流泉有省詣峯求證峯打趣出因民訛傳官選童男女師問忽有人來問和尚討童男女時如何峯曰我但度竹篋子與他師於言下洞然徹法源底峯書真讚付師曰我相不思

議佛祖莫能視獨許不肖兒見得半邊鼻且俾叅徒
詣師請益由是學者輻奏歸之如水就下而師猶自
韜晦未嘗肯以師道自處一時天子公卿每虛徑山
靈隱諸大刹迎師居之賜佛慈圓焰廣慧之號示寂
於大元英宗至治三季八月十四日諡曰普應嗣法
染人頌

源泉混混盡朝東海闊天高萬象融竹篔括來全
體露一毫頭上定綱宗

第二十四世千巖元長禪師蕭山董氏子幼業儒季
十七學通百氏十九離塵受具習律武林會丞相府

飯僧師隨衆受供時中峯已先在座見師卽呼曰汝
日用如何師曰念佛峯曰佛今何在師擬議峯勵聲
叱之師求開示峯授以狗子無佛性話令叅於是縛
茅靈隱山中倏忽十載因往望州亭聞雀聲有省往
見峯峯復斥之師憤然不昧忽夜半鼠翻猫器墮地
作聲恍然開悟覺身躍起數丈行質於峯峯問曰趙
州何故言無師曰鼠食猫飯峯曰未在師曰飯器破
也曰破後如何曰觸碎方覺峯乃微笑乃囑曰汝宜
善自護持棲遁岩穴時節若至其理自彰自受付囑
乃隱於天龍東庵聲光日顯詔居聖壽賜號圓鑑并

金襴法衣示寂於大元順宗至正丁酉六月偈曰平生饒舌今日敗闕一句轟天正法眼滅嗣法四人頌
猫器打翻絕點埃聲前恍覺咲顏開趙州狗子眠
當道路上行人絕往來

第二十五世萬峯時蔚禪師温州金氏子母鄭氏夢
儒釋二人入其寢覺生二子師居末有光燭室母懼
弗舉其姑保而育之在襁褓中見僧微笑長依講王
昇公受具出家謁千巖長老長問將甚麼與老僧相
見師豎拳云者裏與和尚相見巖曰死了燒了向甚
處安身立命師曰漚生漚滅水還在風息波平月映

潭巖間不是心不是佛不是物是個甚麼師以座具
打圓相叉手而立一日普請斫松師拈圓石作獻珠
狀曰請師酌價岩曰不值半文錢師曰瞎岩曰我也
瞎汝也瞎師曰瞎瞎命充第一座巖上堂曰無風荷
葉動必定有魚行師振威一喝拂袖便行巖示偈曰
鬱鬱黃花滿目秋白雲端坐碧峯頭無賓主句輕拈
出一喝千江水逆流師呈偈曰南泉不是惱人心有
要將心去捉心不是我心不是佛性天空廓有何尋
嚴允之未幾潛隱巖召不赴乃以法衣頂相寄之後
卓錫蘇州鄧蔚山叢席大振大明洪武十四季辛酉

正月二十九日示寂嗣法一十三人頌

出格英姿徹骨貧拳頭豎起當人情師資針介相
授處喝下分明契王賓

第二十六世寶藏普持禪師久依萬峯付法偈曰大
愚肋下痛還拳三要三玄絕正偏臨濟窟中獅子
燈燈續焰古今傳繼任聖恩爲第二世嗣法三人頌
大愚肋下通消息派演淖沱正脉長坐却白雲終
不妙移舟別有好商量

第二十七世東明慧岳禪師丹陽王氏子季十四依
湛然薙髮受具因定起觀松有省見寶藏呈悟因藏

斥之遂親炙座下一日藏問心不是佛智不是道汝
云何會師向前問訊叉手而立藏呵曰你在此許多
時還作者個見解師乃發憤至第三日驀然徹法源
底呈偈曰一拳打破太虛空百億須彌不露踪借問
個中誰是主扶桑湧出一輪紅藏囑曰善自護持大
明宣德辛酉六月晦日示寂闍維舍利無數嗣法二
人頌

佛心智道一時休授着虛空解轉頭百億須彌藏
介子扶桑湧出一輪秋

第二十八世海舟普慈禪師蘇之常熟錢氏子世宗

儒業出家聽講楞嚴至但有言說都無實義處乃曰
言說今日愈多矣遂歸尋思實義走見萬峯舉問峯
以脚兩踏曰只者是實義師有省曰太費和尚尊力
峯笑而許之乃結庵於洞庭山塢二十季因一僧呵
其見解卽棄庵詣東明明問曾見人否師曰說出恐
驚人明日假使親見釋迦依然是個俗漢但說何妨
師曰萬峯明日萬峯卽今在甚麼處師面赤網然明
曰若如此不會見萬峯師歸寮三晝夜寢食俱忘偶
值香燈繩斷墜地忽然大悟請關前呈悟由明日老
闍黎承嗣萬峯去師曰公今爲我打徹何得承嗣萬

撰述

石菴五石齋集

三

峯明遂出關陞座曰瞿曇有意向誰傳迦葉無端展
咲顏到此豈容七佛長文殊面赤也徒然今朝好咲
東明事千古令人費唾涎幸得海公忘我我濟宗一
派續綿綿擲拄杖云千觔擔子全分付玄要如今拄
杖談以拂子擊三擊下座未幾東明辭世衆請繼席
萬峯忌辰拈香喝兩喝云只咲你護短沒頭師佛法
當人情便拜又拈香云此瓣香供養東明長老一片
赤心鞭策令予洞達宗源乃喝兩喝受恩深處便爲
家有乳方知是阿娘禮拜起慟哭歸方丈臨示寂說
偈曰九十六季於世七十四載爲僧中間多少誦訛

支那

第五卷 傳記

七

一見東明消殞以拂子打○云釋迦至我六十二世有不可數老和尚又打○云多向者裏安身咄乃投筆而逝時景泰元季全身塔於東明左側得法一十
二人頌

將成九仞聳高峯一簣重圓始見功自是深恩歸
有地千溪萬派盡潮東

第二十九世寶峯明瑄禪師姑蘇吳江范氏子俗爲木匠因海舟造塔傷足痛甚索酒喫舟謂曰幸是傷足若斫去其頭還能喫否卽有省遂求出家乃克火頭一日負薪舟見曰將荆棘作麼師云是柴舟呵呵

大咲師罔然舟曰是柴將去燒却師起疑問曰畢竟是甚麼道理舟不荅是夜刻意叅究不覺被火燎去脊毛面如刀割以鏡照之豁然大悟由於舟舟便打師奪拄杖云者條六尺竿幾季不曾用今日又重拈舟大咲師呈偈曰棒頭着處血痕斑咲裏藏刀仔細看若是英靈真漢子死人喫棒口喃喃舟曰卽此偈語可紹吾宗乃付偈曰臨濟兒孫是獅子一吼千山百獸死今朝汝具爪牙威也須萬壑深藏止從此名聞遐邇學者雲集成化八季十二月九日示寂塔於東明寺左嗣法五人頌

撰述
東倒西歪拆腳鎚匡持須是赤心人火燒刀斫鬚
省盡業鏡臺前露本真

第三十世天奇本瑞禪師南昌鐘陵江氏子季二十
隨父商於潁州偶厭世相禮無說能公披剃令看萬
法歸一一歸何處話便參尊宿晝夜參究漸有省發
末後參寶和尚峯問甚處來師曰北京峯云只在北
京別有去處師曰隨方瀟灑峯云曾到四川否曰曾
到峯曰四川境界與此間如何云江山雖異風月一
般峯豎起拳頭云還有者個麼云無峯云因甚卻無
師云非我境界峯云如何是汝境界云諸佛不能識

誰敢強安名峯云汝豈不是着空云終不向鬼窟裏
作活計峯云西天九十六種外道你是第一師拂袖
便出乃付偈曰濟山棒喝能輕觸殺活從前手眼清
聖解凡情俱坐斷曇華猶放一枝新嗣法三十九人
山川事蹟各須異風月由來理自同烏盡弓藏征
伐寢萬乘垂拱坐寰中

第三十一世絕學聞聰禪師邵武光澤縣奚氏子師
生三歲父母繼亡外祖憐而養之十七得度二十受
具精習毘尼止觀深究惟識等論一日遊百丈山逢
一老宿問大通智勝佛十劫坐道場佛法不現前不

得成佛道此理如何師乃依文講之老宿詬罵而去師從此頓發疑情念念在攷經五六載一日聞馬嘶豁然大悟曰如斯之事如來明見無有差謬遂見天奇奇問苦樂皆心因何外取曰祇爲不了曰是非皆事因何妄承師曰錯認定盤星迷悟皆人因何不懂師曰早知燈是火豈向四方求乃付偈曰道者心同慈嫗心爭教赤子因羣陰輔成架海金梁子佛缺方知補浩然師後居龍泉寺有僧問如何是本來面目師曰石香亭僧云便任麼去時如何師云喪卻了也僧問今朝孟夏八日天下叢林皆慶如來降誕之辰

未審如來何處降誕師於几上畫一圓相出住隨州關子嶺得法五人頌

歸家樵子爛柯陳到岸漁翁罷問津聖解凡情俱坐斷本來面目石香亭

第三十二世笑巖德寶禪師金臺吳氏子世族錦衣弱冠時入寺聽講至舍國城妻子頭目手足感悟出家徧叅名宿伏牛火場淨土止觀無所不歷因造關子嶺謁無聞聰公便問十聖三賢已全聖智如何道不明斯旨聰勵聲曰十聖三賢爾已知如何是旨速道師下語不契一日洗菜次偶一莖菜墜水逐水圓

轉捉不着忽有省遂携籃歸聰見便問是甚麼曰一籃菜聰曰何不別道一句師曰請和尚別問來後與學圍爐次學曰人人有個本來父母子之父母今在何處師曰一火焚之學曰恁麼則子無父母耶師曰有卽有佛眼覷不見學曰子還見麼師曰某亦不見學曰爲甚麼不見師曰若見則非真父母遂呈偈曰本來真父母歷劫不曾離起坐承他力寒温亦共知相逢不相見相見不相識爲問今何在分明舉似師學深肯之萬曆辛巳正月十九日示寂得法十人頌隨身竿木覓歸家十聖三賢眼裏花要識渠儂真

父母古今元不隔些

第三十三世幻有正傳禪師溧陽呂氏子季十九歲依樂庵和尚薙髮令看父母未生前話久無所契乃克勤精進歷二七餘日忽聞燈花爆聲有省直造燕都叅咲巖和尚求證巖曰將汝從前得力處一一說來師具實荅語中間巖驀耀出鞋曰向者裏道一句看遂把話端一時打斷通夕不寐至明旦猶立簷下巖出見喚之師回首巖翹一足作脩羅障日月勢師當下脫然服勤數載禮辭南歸岩書從上源流付之臨行贈以一笠曰無露圭角師初住龍池次遷五臺

北京普照晚復歸龍池題香爐偈曰有耳聞聲一似
聾無容餘物動乎中灰心未必常如此贏得清烟便
不同又慮學者見落斷常著書二篇曰駁語曰性住
釋曰物不遷刻行於世萬曆甲寅春仲示寂塔於本
山嗣法四人天童悟磬山修淨名蓮徑山信磬山下
出玉林秀頌

趯出無跟破草鞋鐵山當面露崔嵬柳栗橫擔人
不顧一踏鴻門兩扇開

第三十四世天童密雲圓悟禪師宜興蔣氏子家貧
樵採爲業季二十七荷擔度山曲觸路傍積薪有省

乃從幻有和尚出家每覺生死到來畢竟不穩當二
六時中看得心境兩立古人道天地同根萬物一體
越看越成兩個請益龍池池曰你若到者田地便放
身倒卧嗣後惟加罵詈師慚悶交感遂掩關數載適
傳公入都舉師監院事一日自城中歸過銅棺山頂
忽覺情與無情煥然等現覓纖毫過患不可得大端
說似人不得正所謂大地平沉底境界乃往覲幻幻
問汝有新會處麼師曰一人有慶萬民樂業幻曰汝
又作麼生曰某甲得來省覲和尚幻曰念子遠來放
汝三十棒師抽身便出一日幻問忽有人問汝如何

抵對師驀豎拳幻曰老僧不曉得者是甚麼意思師
曰莫道和尚不曉得三世諸佛也不曉得又一日幻
舉拂子問諸方還有者個麼師震威一喝幻曰好一
喝師連喝兩喝歸位龍池一日喚師及覺字入室曰
老僧作夜起來走一回把柄都在手裏了汝等爲我
扶持佛法師呈偈曰若據某甲扶佛法任他○○○
○○都來總與三十棒莫道分明爲賞罰龍池目之
大咲未幾示寂師依塔三載萬曆丁巳衆請繼席開
法次住通玄金粟黃檗育王天童凡六巨刹宗風大
振崇禎十五年壬午七月七日奄然坐化流光夜照

四山變白壽七十有七自通玄迎全身歸塔於天童
幻住庵右隴嗣法一十二人五峯學漢月藏破山明
費隱容石車乘朝宗忍萬如微木陳恣石奇雲牧雲
門浮石賢林野奇頌

銅棺山頂擔頭空佛祖頻吞氣宇雄賞罰都來三
十棒分明滅卻少林宗

第三十五世天童林野通奇禪師蜀之長樂蔡氏子
生卽絕腥依本里金鍾寺道然本然兩叔出家志存
釋典離蜀之江南入講肆大明天啓丁卯息肩當湖
掩關閱藏適友送密雲和尚語錄展卷至叅禪偈曰

撰述
一 念未生前試看底模樣頭覺疑情猛發寢食俱忘
偶散步失足墜樓有省偈曰一念未生前六戶絕消
息瞥爾揚雙眉大似眼無力遂破關詣密雲便問學
人絕跡而來特爲親近童云莫妄想師曰未審還有
堂頭也無童云看脚下師云不因漁父引爭得見波
濤童云莫錯會師禮拜天童一日陞座云世尊初生
便解指天指地汝等諸人討甚麼碗以拄杖一時打
散師於言下全身脫落大徹玄旨乃受記蒞於嘉禾
黃閣齋觀察之素園時已卯秋九月也明季辭悟住
靜於餘杭之廣化寺壬午秋聞悟訃音奔通玄後孫

司馬碩膚諸檀護堅請開法通玄次遷東塔樓眞己
丑冬寧紹台三郡當道請主天童千指圍繞克復舊
式冬夏布衣草履見衲子有輕裘緩帶則曰非吾類
也淡泊之操始終無間大清順治九年壬辰三月二
十九日出治從天臺來省覲師曰汝來也治拜云乞
師更名師曰行果圓成遂安祥而逝世壽五十有八
僧衲四十一塔於太白玲瓏巖新庵之左師誕於大
明萬曆乙未十二月二十六日得法者五十人頌
窮盡漚和覓指歸棒頭痛處覺前非危樓一踏虛
空碎鼻孔分明向下垂

第三十六世風穴雲峩行喜禪師蜀之資陽陳氏子
萬曆四十八季癸丑正月二十四日誕季十歲時因
觀死屍爛臭乃動諸行無常之感決志出家父母難
之卽自絕食久而許之遂投啓尊宿披剃徧叅尊宿
皆蒙策進畧識指歸晚入天臺叅靈野奇和尚一見
便問杖頭撥轉罕遇知音狹路相逢如何通信奇云
雲霧鎖千山師曰未到天台不妨疑着奇曰持蠡酌
海妄測淺深師曰不因樵子徑爭到葛洪家奇曰峯
巒挺秀鳥道難通師便喝奇便打於是親炙座下一
日侍奇山行奇問山河大地明暗色空與你自己是

同是別師曰同則總同別則總別奇正色呵曰說得
道理好師無對奇卽欄胸把住曰除卻總別異同速
道速道師佇思被奇驀向懸巖一推當下胸中寶惜
廓爾冰消回觀從前所得如大海之一滴耳卽說偈
曰罷罷罷休休休橫眠倒卧在山丘鬪身撥碎虛空
骨萬象森羅咲點頭走呈方丈奇乃印可命理通玄
院事奇任棲真命典藏鑰順治己丑九月六日乃出
源流拂子付師師固辭奇曰汝但將去已後坐斷天
下人舌頭耳於是禮辭北渡值陽山大慧及諸檀護
請師開法普濟次遷龍池法興順治十三季丙申受

撰述
佛通上師文集卷
請住風穴今乙巳竟十載矣時北方宗唱始自師焉
躡躑擔簦不計秋機關撥動滑如油天台痛處重
加艾大海方知一滴收

曹洞宗

青原第五世洞山良价禪師會稽余氏子幼從師念
心經有省乃謁雲巖悟旨授以寶鏡三昧出任豫章
高安之洞山得曹山本寂宗風大振權開五位善接
三根於是洞山宗始於斯矣唐懿宗咸通己丑三月
七日示寂諡曰悟本下傳雲居膺膺傳同安丕傳
同安志志傳梁山觀觀傳大陽玄玄傳授子青青傳

芙蓉楷楷傳丹霞淳淳傳長蘆了了傳天童珏珏傳
雪竇鑑鑑傳天童淨淨傳鹿門覺覺傳青州辨辨傳
大明寶寶傳玉山體體傳雪巖滿滿傳萬松秀秀傳
雪庭裕裕傳靈隱泰泰傳寶應遇遇傳淳拙才才傳
松庭嚴嚴傳少室改改傳俱空斌斌傳無方從從傳
月舟載載傳宗鏡書書傳大千潤潤傳慈舟念念傳
湛然澄澄傳瑞白雪以上望青原乃三千七世矣宗
鏡下復出廩山忠壽昌經博山來雪關閻壽昌下乃
有東苑鏡天界盛

澆仰宗

瀉山靈祐禪師曹溪第五世嗣百丈海福州長谿趙氏子久爲百丈典座因司馬頭陀識之踢倒淨瓶而住瀉山三十季以橡栗爲食後得仰山父子酬唱大弘宗旨唐中宗大中七季正月九日示寂仰山慧寂韶州懷化葉氏子唐昭宗大順元季示寂仰山傳南塔湧湧傳芭蕉清清傳承天確確傳羅漢宗五世而寢

雲門宗

雲門文偃禪師曹溪第八世嘉興張氏子初叅睦州損足而悟大旨後造雪峯而益資玄要乃嗣雪峯示

寂於五代漢之隱帝乾祐元季四月雲門傳香林遠遠傳智門祚祚傳雪竇顯顯傳天衣懷懷傳法雲秀秀傳佛國白白傳慧林海海傳萬壽隆九世而寢望曹溪十六世而寂焉雲門第四世出洞山聰聰下出雲居舜舜傳明教嵩當宋仁宗之世乃著傳法正宗記定祖圖輔教篇目曰鐔津集入藏

法眼宗

曹溪第十世清涼文益禪師餘杭魯氏子出家受具精究毘尼傍探儒典乃游文藻之場師以玄機一發雜務俱捐乃謁羅漢深禪師於言下大徹玄旨出任

金陵三坐道場示寂於五代周世宗顯德戊午間諡曰大法眼故稱爲法眼宗下傳清凉欽欽傳雲居齊齊傳保福煦煦傳智者如如傳承天月月傳護國豐六世而寢益之二世有永明延壽壽乃天台紹國師之子當大宋趙太祖開寶八季示寂法眼宗望曹溪十六世而止焉

佛祖正傳古今提錄終

遼東錦州衛人見在河南汝州居任信士譚庭琦同父譚大純母陳氏施資刻錄一卷以此功勳上祝國王晉慶下祈兆庶康寧嚴父慈母享遐齡九祖先凶生淨土佛弟子譚庭琦拜書

拈頌

附沼祖塔銘

西蜀雪兆性著

世尊初生

拈大覺氣宇昂藏不知自揚家醜雲門正令當行要且無出身處何故藏盡楚天月猶存漢地星願釋迦老太龕生手舞足蹈獨稱尊休言前路無知已天下何人不識君

世尊一日陞座文殊白椎云諦觀法王法法王法如是世尊便下座

拈世尊陞座孰處難忘文殊白椎據欵結案

頌世尊據虎頭文殊收虎尾冷地看來是何臉嘴
文殊三處過夏迦葉欲擯纔舉椎乃見百萬億文
殊世尊云迦葉汝欲擯那個文殊

拈文殊不解作客勞煩主人迦葉正冷當行寡不
敵衆待問汝欲擯那個文殊但放下鉗鎚呵呵大
笑不惟曼殊慚惶且要釋迦杜口

頌漁父慣吟秋夜月牧童偏唱飯牛歌歸來俠路
相逢著一陣西風落木多

世尊臨涅槃時摩胸告衆云汝等瞻仰取足莫令後
悔是時百萬人天悉皆悟道

拈少賣弄

頌四十九季簸莆唇臨行猶自可憐生堪嗟百萬
人天衆一併相牽入火坑

臨濟垂問一人在孤峯頂上無出身之路一人在十
之街頭無向背那個在前那個在後

拈點卽不到

頌十字街頭垂手處孤峯頂上令行時驪龍意在
深深處跛蟹安能識得渠

睦州一日喚僧云大德僧回首州云擔板漢
拈云蒼天蒼天

頌潦倒睦州擔板漢回頭驗盡當行家祇緣一句
無私語絞絞叢林亂似麻

臨濟垂問有一人淪劫在途中不離家舍有一人離
家舍不在途中那個合受人天供養

拈臨濟老人容身無地

頌白賊天狀伎藝高拈人肝胆命難逃衲僧痛處
遭渠手萬兩黃金也合消

臨濟會下有同學二人相問云離却中下二機請兄
道一句子一云擬問則失一云與麼則禮拜老兄去
也一云賊濟聞乃陞堂云要會臨濟賓王句問取堂

中二禪客便下座

拈云爲憐三歲子不惜兩莖脊

頌獅子林中獅子子鳳凰窠裏鳳凰兒問取堂中
二禪客千古令人罵瞎驢

臨濟因僧叅乃展兩手僧無語濟云會麼僧云不會
濟云趁鬪劈不破與你兩文錢

拈臨濟老人被者僧看破了也且道看破個甚麼
乃喝一喝

頌垂絲千尺釣金鱗漁父生涯迥不羣可惜水寒
魚不餌夕陽江上打青蜓

萬壽因僧問菴主在者裏得多少時也壽云只見冬
凋夏長總不記得僧云大好不記得壽云汝得多少
季也僧云冬凋夏長聾壽云鬧市裏虎

拈這僧奪鼓撓旗菴主埋兵調鬪雖狀緇畧雙全
可惜烏江力盡

頽山居道者久忘山夏長冬凋總不干莫怪渠儂
多義氣借漣衫子拜漣季

風穴因僧問不傷物意請師便道穴云劈腹剜心猶
未是性燥

拈璞逢敏手則價重連城金遇紅爐而煇增赫日

若非作家手段千古禪流那知有黃面泚子

頽不傷物意請師荅劈腹剜心不易酌制電轟雷
歸去後白雲流水兩悠悠

藥山一日臨齋院主報云打鐘也請和尚上堂山云
與我擎鉢孟去主云和尚無手來多時山云汝只是
枉披袈裟主云某甲只與麼和尚又如何山云我無
者眷屬

拈院主俠路相逢藥山因齋慶讚

頽鐘鳴鼓響便陞堂洗鉢添甌慢王張坐却白雲
終不妙移舟別有好商量

石頭因藥山問離却定慧等學以何法示人頭云我者裏無奴兒婢子離個甚麼山云如何明得頭云汝還撮得虛空麼山云與麼則不從今日也頭云未審汝從那邊來山云某甲不是那邊人頭云我早知汝來處山云和尚莫賊誣人好頭云汝身現在山云雖然如是畢竟如何示於後人頭云阿誰是後人山從此有省

拈石頭路滑到者須是奇人藥山竿木隨身便乃逢場作戲雖然若透向上牢關更置草纒行脚始得

頌石頭路滑忽遭擷疑殺奴兒婢子禪中道兩邊無着處落霞秋水共長天

丹霞因去馬祖處路逢一老人與一童子師問公住何處老人云上是天下是地師云忽遇天崩地陷又作麼生老人云蒼天蒼天童子乃噓一聲師云非父不生其子老人與童子入山去

拈水向石邊流出冷風從花裏過來香
頌地陷天崩甚處安捶胸跌脚哭蒼天從來苦瓠連根苦自古甜瓜徹蒂甜

雲門示衆云聞聲悟道見色明心觀世音將錢買胡

餅放下手元來却是饅頭

拈云糧砂唱數足可觀光過渡拆橋未是好手

頌聞聲悟道見色明心要坐便坐要行便行落花

莫教隨流水恐引人窺上苑春

雲門示衆云平地上死人無數過得荆棘林方是好

手時有僧出云與麼則堂中第一座有常住也門云

蘓魯蘓魯

拈雲門與麼道可謂針劊不入及乎被者僧一問

依舊水消瓦解

頌西天此土乾坤闊佛界魔宮宇宙寬荆棘林中

如透過勸君平地莫留連

雲居令侍者送袴與一菴主主云自有娘生袴竟不

受居却令侍者去問云娘未生時着個甚麼道者無

語後遷化燒得舍利持似居居云祇饒燒得八斛四

斗不如當時下得一轉語好

拈者僧若不遇雲居幾被娘生袴子籠罩一生且

道娘未生時着個甚麼天共白雲曉水和明月流

頌娘未生時句搜空山鬼窟豁開清徹眼爍破黃

金骨

馬祖因僧問離四句絕百非請師直指西來意云拈

馬大師運籌帷幄海兄弟將逐符行還識者僧落
處麼狗啣赦書諸侯避道頌

四句離百非斷文經武緯無思算萬乘垂拱坐寰
中羽檄天涯周已徧

趙州因僧問皓月當空時如何州云猶是階下漢僧
云請師接上階州云月落後相見

拈者僧壁立千仞趙州徹底掀翻且道月落後如
何相見晤

頌皓月當空照玉壺幾多貪賞却迷途須知月落
乾坤靜一段清光何處無

德山示衆達磨是老臊胡十聖三賢是繫驢橛云云
拈德山雖則眼空似海傍若無人未免擔枷過狀
頌野老季來得自然謳歌鼓腹樂堯天落花從教
香風掃回首生涯天地寬

大巔因韓文公叅問春秋多少話巔乃召首座擯出
拈大巔徹底老婁首座龍頭蛇尾且韓文公又作
麼生奮身辭白屋平步上青天

頌頻將甲子問潮州百八牢尼覲面酬話到同聲
相應處唯封雍齒始安劉

南泉示衆云王老師賣身去也還有人買麼一僧云

某甲買泉云不作貴不作賤你作麼生買僧無語趙州云來季與和尚作一領布衫

拈行不列市

頌人之將死語猶哀不涉陰陽地上理不是趙州

曾蓋覆風吹日炙露尸骸

六祖因僧問黃梅意旨甚麼人得祖云會佛法人得僧云和尚還得麼祖云不得僧云和尚爲甚麼不得祖云我不會佛法

拈好個無孔鉢鍾被者僧撥碎了也

頌竹影掃階塵不動月穿海底水無痕盧能不會

黃梅肯攬亂堂中七百僧

歸宗泥壁次白侍郎來宗便問君子儒小人儒白云君子儒宗乃打泥拓一下白遂過泥與宗宗接得便使良久云莫便是俊快白侍郎麼白云不敢宗云祇有過泥分

拈侍郎知機識變足稱雅儒因甚祇有過泥分靈龜拽尾難除跡獅子翻身誰解看

頌君子儒與小人儒泥盤拓轉五車書只饒俊快超羣士未免全身在半途

昔有官人造無鬼論忽見一鬼云你道無我聾五祖

演代云以手作鵜鳩背云谷谷孤

拈無滯自然隨勢去有聲皆謂不平來又云法令
茲彰盜賊多有

頌仁義盡從貧處斷事情偏向有錢家桃符暗寫
三行咒魍魎邪魔亂似麻

婁子燒庵

拈庵主萬古長空婁子一朝月風雖然各展機綸
要且二俱不了何故白雲盡處是青山行人更在
青山外

頌升載殷勤供養渠寒岩枯木兩依倚分明月在

梅稍上看到梅稍早已遲

大覺叅臨濟濟見來豎起拂子覺便展坐具濟放下
拂子覺收坐具叅堂去衆中議云此不是和尚親故
又不禮拜又不喫棒濟召新到僧覺至濟云人道汝
是我親又不禮拜又不喫棒覺珍重下去

拈臨濟解拈解放路從平處險大覺能展能收人
向靜中忪抵如末後喚來珍重下云又作麼生雲
收天宇闊日出太陽孤

頌臨濟眼似流星大覺口如扁擔雨催樵子還家
風送漁舟到岸

趙州因僧問至道無難惟嫌揀擇是時人窠窟不州
云曾有人問我只得五季分踈不下

拈趙州古佛尋常機如制電因甚被者僧一問五
季分踈不下還有知他落處者麼閑持經卷依松
立咲問客從何處來

頽至道無難惟嫌揀擇趙州五季分踈不得水流
澗底太忙生雲在嶺頭間不徹

忠國師一日喚侍者者應喏如是三喚三應忠云將
爲吾孤負汝却是汝孤負吾

拈國師偶爾成紋侍者如蟲禦木若作佛法商量

生限無間地獄且道是何意旨羸鶴翹寒木狂猿
嘯古臺

頽三召三應明歷歷辜吾負汝絕諸談蒼苔古逕
行人少斜日疎林宿鳥多

臨濟無位真人話

拈者老漢雖則危言危行不遇者僧爭顯功高汗
馬

頽無位真人乾矢橛池澄無水不含月翻雲覆雨
太無端令人喚作白拈賊賊賊大施門開無擁塞
城東老母不欲見佛

拈富嫌予口少貧恨一身多

頌水流急處魚翻浪晴霽風高鳥翊空夾路桃花
風雨後馬蹄無處避殘紅

文殊一日令善財採藥財徧採無不是藥却來曰云
拈善財得心應手文殊殺活臨機然雖妙藥神方
得効先須忌口何故利刀有蜜君休舐蠱毒之家
水莫嘗

頌衆藝拈來草文殊用得良就中能殺活父子不
傳方

文殊因起佛見法見被世尊貶向二鐵圍山

拈文殊因起佛見法見被世尊貶向二鐵圍山且
置而今設有不起佛見法見敢保未出二鐵圍在
頌佛見法見貶向鐵圍理無曲斷車不橫推躍過
禹門三汲浪喚他平地一聲雷

臨濟三頓棒至大愚言下悟旨脇下還拳云云

拈畫龍不是僧錄手安得聞雷破壁行

頌三遭痛棒毒於蛇勾賊分明自破家脇下三拳
行正令惡聲千古亂如麻

香巖示衆此事如人上樹口啣樹枝手不攀技脚不
登枝樹下有人問西來意不對則違他所問對則喪

身失命正當恁麼時作麼生卽是虎頭上座出云樹上卽不問未上樹時請和尚道香巖呵呵大咲

拈香巖上樹坐斷兩頭這僧出來中間不立祇如呵呵大咲又作麼生夜月乾坤靜秋風世界寬

頌作家漁父興翩翩舒卷絲綸渭水寒兩岸蘆花藏不住一輪明月映江天

普化和尚嘗振鐸云明頭來明頭打暗頭來暗頭打四方八面來旋風打虛空來連架打一曰臨濟令僧捉住曰總不恁麼來時如何化拓開口來曰大悲院裏有齋僧回舉似濟濟云我從來疑着這漢

拈普化不許夜行濟老投明已到既然二俱作家因甚從來疑着者漢賊無種相鼓籠

頌不住乎中勿行於外當頭一撥通身暢快大悲院裏邏齋依舊風吹日晒

興化因僧問四方八面來時如何化云打中間的僧禮拜化云我昨日赴個村齋途中遇一陣卒風暴雨向古廟裏躲得過

拈興化老人雖則當面白拈要且謾者僧一點不得

頌四方八面來便向中間打古廟雖躡過賊身已

露也

趙州訪二庵王問云有麼有麼王便豎拳州云水淺不是泊船處又到一庵王如前問王亦豎起拳頭州云有殺有活有縱有奪便禮拜

拈語不驚羣滯於流俗機不離位墮在毒海趙州尋嘗具殺活之神鋒逸羣之妙辯因甚向二庵王手中額頭汗出口裏膠生且道優劣在甚麼處李老臂長衫袖短張郎脚瘦草鞋寬

頰清溪流過碧山頭空水澄鮮一色秋隔斷紅塵無着處白雲黃葉兩悠悠

臨濟示戒囑三聖云吾戒度後不得戒却吾正法眼藏聖云誰敢戒却和尚正法眼藏濟云忽有人問汝作麼生對聖便喝濟云誰知吾正法眼藏向這瞎驢邊戒却

拈臨濟父子只顧貪程小覺失利何故將謂侵早起更有夜行人

頌杖錫僧歸林下寺待卅人立釣魚磯江風陣陣連天雨捲盡氛霾湛太虛

馬祖一日不安院王問和尚近日尊候如何祖云日面佛月面佛

拈到頭霜夜月任運落前溪

頌海闊天高下釣難鳴擲一咲宿蘆灣月明風細
秋江暮古岸船歸一帶烟

首山因僧問如何是菩提路山云此去襄城五里僧
云向上事如何山云往來不易

拈首山祇解順水推舟不能逆風把柁待問向上
事如何好與劈脊便打不見道往來不易

頌五里菩提路更懸分明指出與君看雖然直入
無難易且向門前宿草庵

肇論四不遷旋嵐偃嶽而常靜江河競注而不流野

馬飄鼓而不動日月曆天而不周

拈肇法師大似平地喫交

頌日月頻來往江河曉夜流牧童吹玉笛漁父駕

孤舟

大通智勝佛十劫坐道場佛法不現前不得成佛道

拈莫動着動着則禍生

頌十劫坐道場咲殺傍觀者佛法不現前成哉是
言也

興善惟寬禪師因僧問道在何處師曰道在目前曰
我何不見曰你有你故所以不見曰我有我故所以

不見和尚還見不日有你有我展轉不見日無你無
我還見不日無你無我阿誰求見

拈興善被這僧一狀領過還有知落處者麼曙色
未分人盡望及乎天曉也尋常

頌道在目前見卽非無心見道眼麻瞇風吹柳絮
毛毬滾雨打檣花蛺蝶飛

臨濟因徑山有百衆少人叅請每日遶佛殿前大樹
念觀音接人與黃檗是同叅寄書具言是事檗令濟
去你到彼作麼生濟云某甲自有方便濟到徑山裝
腰直上法堂徑山纔舉頭濟便喝山擬開口濟拂袖

便行尋有僧問徑山適來這僧有甚言句便喝和尚
山云這僧從黃檗來你要知自去問取是時五百衆
大半散去

拈徑山老人大似勾賊破家

頌降雹澍大雨雲雷鼓制電念被觀音力應時得

消散

頌古

世尊拈花

拈起花來展咲着相逢雖喜却成悲頭陀不是無
謙遜百萬人天更有誰

外道持梧桐供佛

兩手擎來通身放下內外根塵翻成話
欄剝盡群陰春到園一季一度花開謝

阿難問迦葉世尊傳金蘭外別傳個甚麼
迦葉喚阿難阿難應諾葉曰倒却門前刹竿著

難弟難兄義更長祖翁田地絕封疆
門前倒却刹竿也東土西天不覆藏

外道問佛不問有言不問無言

有言無言形直影端彌綸萬有含裹大干兩岸
蘆花藏不住一輪明月映江天

廣額屠兒

放下屠刀千佛一數得路便行爲誰回
顧若言直下便承當枯木岩前猶蹉路

女子出定

月朗星稀人寂莫風行雨澍蝶尋芳釣臺漁父間
拋線不覺蛙聲鬧夕陽

殃崛收產

風靜山河寂雲收宇宙空一聲鴻鴈復金井墜梧
桐

普化搖鈴騰去

拋却盤山舊面皮掀翻臨濟破直裰飯床踢倒個
村僧天將夫子爲木鐸

德山托鉢

德山托鉢古今傳密啓巖頭匹四間末後三季成
話禰可憐不顧晒傍觀

五祖水牯牛過窻櫺

頭角爭榮水牯牛穩眠露地日悠悠尾巴尖上無疑
處雲自高飛水自流

百丈捲席

馬祖陞堂百丈捲席放去郎當收來太急趁出踞

首山竹篋子
地獅兒免見耳聾三日

須知觸背兩重關無限行人不可攀若謂兩頭在
坐斷祖師門戶隔千山

靈雲見桃花

桃綻籬邊花一枝遊蜂蛺蝶任棲遲東風不是嫌
狼藉吹落當途襯馬蹄

古德油糍

未出方丈門油糍已喫飽幾多餓眼禪擬向外邊

討

丹霞燒木佛

丹霞燒木佛院主鬚眉墮相識徧天涯知心能幾個

仰山插鋤

相逢把手入荒丘路轉高原意更幽春到園林千點翠水和明月一天秋

布袋和尚

無兄無弟亦無親十字街頭等個人及乎到此猶未是君向瀟湘我向秦

石鞏張弓

架箭張弓廿載餘一朝臨敵便佯輸當時不遇金牙作賺煞三平在半途

風穴因僧問如何是佛穴云杖林山下竹筋鞭

杖林山下竹筋鞭幾度抽條賴歲寒一陣清風來碧嶂寥寥青翠拂雲烟

首山因僧問如何是佛山云新婦騎驢阿姑牽

新婦騎驢阿姑牽行盡千山及萬山驀值東村王上社悄然無地着羞慚

馬祖三十季不少鹽醬

自從胡亂後鹽醬俱不少蚊蝶引春來香風一陣

掃

樓子和尚因過酒樓聞歌者曰你若無心我便休
然大悟

兩盞三盃上酒樓顛狂濫醉不知羞高歌一曲誰
能委你若無心我便休

三玄三要頌

- 第一玄棒下佛魔捐獨脫威音外門并宿草庵
- 第二玄青山白雲攢草堂春睡足紅日上三竿
- 第三玄權實照用兼一簇三關破縱橫得自然
- 第一要陝府鐵牛呈巧妙等閒耕破太虛空牧童

拍手呵呵笑

第二要暴雨促風投古廟四方八面露堂堂鐵眼

銅睛覷不到

第三要放去收來無孔竅當陽一喝王賓分瞥爾

情生終不妙

四料揀頌

奪人不奪境皓月垂清影賞興未登樓踈鐘敲夜
 永奪境不奪人柴門晝不扃落華隨水去古渡一
 舟橫人境兩俱奪天宇自家廓擬欲求玄妙龜毛
 生兔角人境俱不奪紫氣連華岳中有倦遊人長

李睡未覺

四寶王頌

寶中寶捨父矜躡歲月深歸來示與家中寶怕怖
佯狂出大門

寶中主南北相逢無險阻驀然逢着李將軍
倒藍田射石虎

主中寶相如捧壁入西秦不是當機能縱奪至今
誰辨楚王心

主中主大地團圞無寸土海宴河清六國寧
寰中獨坐窺今古

臨濟四喝頌

金剛寶劍有威權出匣光騰射九天一自五胡歸
化後太平寰宇斬痴頑

探竿隱草薜來端擬議纖毫落二三機未發
先薦得分明鴉子過西天

獅王嗷吼最威獰側耳羣狐喪胆魂堪笑
兒迷子訣剛纔跨跳又翻身

一喝不作一喝用鐵鎚無孔千斤重頂門未
俱金剛眼擺尾搖頭入蓋甕

黃龍三關語頌

我手何似佛手把住關津渡口假使寒山到來也
須放下茗蒂

我脚何似驢脚電光影裏伸縮雖然徧界不藏佛
眼覷他不著

人人有箇生緣隨時渴飲饑食野老村歌社舞安
知舜日堯天

總頌

老倒黃龍有三關驢脚生緣全佛手剛着衫來作
主人又携瓶去沽村酒

汝州風穴延沼禪師塔銘

并序

輪王御世談以利物爲心含識沉淪固執塵情是念
始非一言而可濟權設三藏以熏陶令其空有俱捐
證乎理事無礙由是世尊觀正法之堪傳拈花于靈
山會上迦葉悟離言之妙旨微笑于人天衆前滅度
千有餘季相傳二十八世摩騰入漢翻貝葉于天中
初祖來梁闡別傳于教外由是立雪斷臂始契安心
六世至曹溪派演一花開五葉十世傳臨濟跨門三
頓喪全機考釋迦于臨濟已三十八傳迦沼祖于達
磨僅一十四世嗟夫沼祖生于五運孜孜復振頹綱

乃子乃孫碁布星分于海內如麻如葦鼓風打雨震
寰中其幸依師席忝在門墻矧銘記來勒于浮圖慨
行狀無聞于后世援毫稽首敬述端由據夫風穴和
尚法諱延沼出于唐季之軋寧誕在餘杭之劉氏幼
而喜素器達有齟齬之奇長旣業儒超然無經世之
意一舉不第乘輿歸來投禮開元披緇秉具精修止
觀博極羣經首見雪峯諮臨濟兩堂一喝拈叅的派
兒孫次謁道忤瀉懸河倒浪于尋猶憐俊哉衲子結
守廓作良朋寓華嚴爲綱紀諸方法戰詎同門外之
遊人南院機投親承入室之真子遇風而止開法始

紹顛師乘顛而來灼然可支臨濟单丁七載鼎革六
朝白雲山中午夜燒松光日月郢州衙內鐵牛機下
釣鯨鯢棒如雨點佛祖之正令全提喝似雷崩衲子
之命根頓斷泄衆二十餘季一時道冠天下語默涉
離微常憶江南三月裏如何通不犯鷓鴣啼處白花
香誠然學本生知信夫神機天縱感仰山之懸識恐
祖道之將危乃墜曲棗木床遂舉青蓮目話鴉鳩樹
頭鳴句下未投真長老動容揚古路言前機契念闍
黎付託旣得其人始有終焉之計時惟大宋開寶六
季癸酉八月旦日書別遠近檀那登座復爲說偈道

在乘時須濟遠方來慕自騰騰他季有叟情相似
日日香烟夜夜燈至中秋日踟蹰而逝閱世七十有
八僧臘五十九夏塔于寺前溪之西畔緇維祖道筆
舌難窮俯慚仰愧

祝皇道與佛道齊昌祖述憲章異師恩與親恩永大

銘曰

黃面浙子 氣宇如王 學兼內外 感世無常
乘悲頭力 建大法幢 適道襄沔 法戰諸方
棒頭取證 坐白雲鄉 单丁七載 用舍行藏
三會說法 六易時王 朝秦暮楚 獨傲風霜

縱鐵牛機 緇白心降 道啓臨濟 獨步大方

輝增日月 大振頹綱 子孫蟄蟄 嫩桂昌昌

某生甚幸 感佩餘光 稽首再拜 休惕傍徨

祈法脉而永久

祝國祚以悠長勒斯真碣來哲其詳

大清康熙五季歲次丙午暮春遠孫果性熏沐頓述

許昌比丘

覺心 通一 助刻 真善



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

精昌且丑

大常惠熙五季氣大丙子霖春發將果卦黨來博

源出祖而承人

其主甚幸 忽扇給次 醫首再拜 朴邊寄書

職執目尺 大恐應聯 千然鑿鑿 嫩替昌昌

雖幾十餘 餘白小利 能齊聞觀 附志大大

清

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9